



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU **DEMOKRATSKE STRANKE INVALIDA BIH**

Broj: 03-07-6-1481/14  
Sarajevo, 03. jul 2015. godine

## S A D R Ź A J

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS REVIZIJE .....	5
Predmet revizije .....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE .....	5
5. NALAZI REVIZIJE I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je reviziju godišnjeg finansijskog izvještaja Demokratske stranke invalida Bosne i Hercegovine za 2013. godinu.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Utvdili smo da Demokratska stranka invalida Bosne i Hercegovine u izvještajnom periodu nije postupila u skladu sa odredbama člana 11. i člana 12. stav (1) i stav (3) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Demokratska stranka invalida Bosne i Hercegovine u 2013. godini postupala u skladu sa odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Demokratske stranke invalida Bosne i Hercegovine za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. stav (2) Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska stranka invalida Bosne i Hercegovine finansirala se iz sljedećih izvora:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prih. %</b>
1	Članarina	0,00	0,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	200,00	100,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>200,00</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
<b>Izvori finansiranja (I + II)</b>		<b>200,00</b>	<b>100,00%</b>

U godišnjem finansijskom izvještaju Demokratska stranka invalida Bosne i Hercegovine iskazala je ukupne rashode u iznosu od 154,55 KM.

## 2. PREDSTAVLJANJE POLITIČKE STRANKE

Naziv političke stranke je Demokratska stranka invalida Bosne i Hercegovine. Skraćeni naziv stranke je DSI BIH.

Stranka je registrovana 04.07.2008. godine u Višem sudu u Sarajevu pod brojem 032-0-Reg-08-001261.

Sjedište političke stranke je u Tuzli, Armije RBiH iza broja 23.

Lice ovlašteno za zastupanje stranke je Zijad Arapčić, predsjednik stranke.

Lice ovlašteno za podnošenje finansijskih izvještaja za 2013. godinu je Snežana Halilagić.

Prema podacima iz godišnjeg finansijskog izvještaja za 2013. godinu, Demokratska stranka invalida Bosne i Hercegovine nema niže nivoe organizovanja.

### 3. OPIS REVIZIJE

**Predmet revizije** je godišnji finansijski izvještaj Demokratske stranke invalida Bosne i Hercegovine za 2013. godinu.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Demokratska stranka invalida Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka.

**Obim revizije** finansijskog izvještaja stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Demokratske stranke invalida Bosne i Hercegovine u periodu od 2006. do 2012. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Pregledom godišnjeg finansijskog izvještaja za 2012. godinu nije utvrđeno kršenje odredaba Zakona o finansiranju političkih stranaka.

### 5. NALAZI REVIZIJE I PREPORUKE

#### 5.1. NALAZI

**Demokratska stranka invalida Bosne i Hercegovine je prekršila odredbe člana 11. i člana 12. stav (1) i (3) Zakona o finansiranju političkih stranaka.**

Na osnovu obavljene revizije, utvrđeno je da stranka nije vodila adekvatne evidencije o prihodima u svojim poslovnim knjigama, te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) U obrascu 2-1 finansijskog izvještaja (Pregled stanja blagajne) stranka je iskazala početno stanje u blagajni u iznosu od 970,35 KM, promet ulaza, promet izlaza i stanje na dan 31.12.2013. godine u iznosu od 0,00 KM. Uvidom u poslovne knjige stranke, utvrđeno je početno stanje u iznosu od 970,35 KM, promet ulaza u iznosu od 0,00 KM, promet izlaza u iznosu od 970,35 KM i stanje na dan 31.12.2013. godine u iznosu od 0,00 KM.

Revizijom je utvrđeno da je stranka bez blagajničke isplatnice i bilo kakvog dokumenta evidentirala izlaz iz blagajne u iznosu od 970,35 KM na teret razgraničenja za unaprijed plaćene troškove. Takođe, utvrđeno je da stranka nije sačinila blagajnički izvještaj te da nije vodila blagajnu kako nalaže blagajničko poslovanje.

Na osnovu navedenog, utvrđeno je da stranka nije pravilno popunila podatke o prometu blagajne, čime je prekršila odredbe člana 12. Pravilnika.

(2) U obrascu 3-f finansijskog izvještaja (Prihodi iz budžeta) stranka je pogrešno iskazala uplatu Ministarstva finansija i trezora BiH u iznosu od 200,00 KM, čime je neosnovano uvećala prihode i prekršila odredbe člana 19. Pravilnika.

Uvidom u izvode stranke, utvrđeno je da je Ministarstvo finansija i trezora BiH izvršilo povrat takse koju je stranka ranije uplatila za učešće na izborima, te navedena uplata kao takva predstavlja refundaciju ranije uplate i ne predstavlja prihod stranke.

- (3) Stranka u obrascu 1 finansijskog izvještaja (Opći podaci o političkoj stranci) nije navela naziv suda u kojem je stranka registrovana, što je suprotno odredbama člana 9. Pravilnika.
- (4) Stranka je u obrascu 5.2 finansijskog izvještaja (Ostale obaveze) iskazala obaveze stranke po osnovu kredita i pozajmica u iznosu od 28.712,00 KM, čime je prekršila odredbe člana 24. Pravilnika.  
Prema odredbama člana 24. Pravilnika, stranka je obaveze po osnovu kredita i pozajmica imala obavezu da iskaže u obrascu 5.1 finansijskog izvještaja.
- (5) U toku obavljanja revizije stranka je sačinila i dostavila Godišnji finansijski izvještaj za 2013. godinu, čime je prekršila odredbe člana 12. stav (3) Zakona o finansiranju političkih stranaka i člana 4. stav (1) Pravilnika.<sup>1</sup>

## 5.2. PREPORUKE

*Preporučuje se Demokratskoj stranci invalida Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi adekvatne evidencije u svojim poslovnim knjigama i*
- *da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka i*

*Takođe, preporučuje se:*

- *da vodi blagajničko poslovanje.*

## KOMENTAR:

Demokratska stranka invalida Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2013. godinu.

Zahvaljujemo se ovlaštenoj osobi za finansijske izvještaje i angažovanom osoblju Demokratske stranke invalida Bosne i Hercegovine na dobroj i korektnoj saradnji tokom obavljanja revizije finansijskog izvještaja.

Šef odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović - Kapić

Šef Službe za reviziju

mr.sc. Hasida Gušić

---

<sup>1</sup> Prema odredbama člana 12. stav (3) Zakona stranka je dužna do 31.03. naredne godine podnijeti finansijski izvještaj Centralnoj izbornoj komisiji BiH za prethodnu godinu. Stranka je izvještaj dostavila 11.02.2015. godine.